

四庫全書

集部

欽定四庫全書

集部

漢魏六朝百三家集卷六

詳校官庶吉士_臣謝恭銘

主事銜_臣徐以坤覆勘

總校官檢討_臣何思鈞

校對官編修_臣吳舒惟

謄錄監生_臣黃鑫

欽定四庫全書

漢魏六朝百三家集卷六

漢王褒集題詞

漢書嚴助朱買臣吾丘壽王主父偃徐樂嚴安
終軍王褒賈捐之九人同傳令終者鮮惟子雲
棄繻子淵作頌名高齊蜀而天病隨之即身非
鼎烹能無惑辨命乎聖王賢臣文辭采密其排
彭祖厭喬松歸之丈王多士以祝壽考意主規

諷猶長卿之子虛上林游戲苑囿有戒心焉乃
蜻蛉神見持節南崖金馬碧雞光景未來使者
先殞彼所刺者神僊而不能抗辭于銜命烏得
云善諫哉甘泉洞簫後宮誦讀僮約諧放頗近
東方元帝為太子時忽忽不樂惟子淵奇文足
起體疾以此賢於博奕信矣九懷之作追懲屈
原古今才士其致一也執握金玉委之污瀆他
人有心誰能不怨大氏王生俊才歌詩尤善奏

御天子不外中和諸體然辭長于理聲偶漸諧
固西京之一變也

目錄

賦

洞簫賦

騷

九懷

匡機

通路

危俊

昭世

尊嘉

蓄英

思忠

陶壅

株昭

論

四子講德論

頌

聖主得賢臣頌

甘泉宮頌

移文

移金馬碧雞文

約

僮約

文

責髯奴文

漢魏六朝百三家集卷六目錄

欽定四庫全書

漢魏六朝百三家集卷六

明 張溥 輯

漢王褒集

賦

洞簫賦

原夫簫幹之所生兮于江南之丘墟
洞條暢而罕節兮
標數紛以扶疎
徒觀其旁山側兮則嶇嶽歸崎倚巖迤

囂誠可悲乎其不安也彌望儻莽聯延曠盪又足樂乎
其敞閒也託身軀於后土兮經萬載而不遷吸至精之
滋熙兮稟蒼色之潤堅感陰陽之變化兮附性命乎皇
天翔風蕭蕭而逕其末兮迴江流川而溉其山揚素波
而揮連珠兮聲璚璚而澍淵朝露清泠而隕其側兮玉
液浸潤而承其根孤雌寡鶴娛優乎其下兮春禽羣嬉
翺翔乎其顛秋蛸不食抱樸而長吟兮玄猿悲嘯搜索
乎其間處幽隱而與屏兮密漠泊以歡掾惟詳察其素

體兮宜清靜而弗諠幸得諡為洞簫兮蒙聖主之渥恩
可謂惠而不費兮因天性之自然於是般匠施巧夔襄
准法帶以象牙搃其會合鏤鏤離灑絳屑錯雜鄰茵繚
糾羅鱗捷獵膠綴理比挹拊撒攔於是乃使夫性昧之
宕冥生不覩天地之體勢闇於白黑之貌形憤伊鬱而
酷颺愍眸子之喪精寡所舒其思慮兮專發憤乎音聲
故吮吮值夫宮商兮和紛離其匹溢形旖旎以順吹兮
瞋啍啍以紆鬱氣旁迂以飛射兮馳渙散以邈律趣從

容其勿述兮驚合還以詭譎或混沌而潺湲兮獵若枚
折或漫衍而絡驛兮沛焉競溢惻慄密率掩以絕滅嚙
齧眊蹉跳然復出若乃徐聽其曲度兮廉察其賦歌啾
啾節而將吟兮行鋹鉏以和囉風鴻洞而不絕兮優嫵
嫵以婆娑翩緜連以牢落兮漂乍棄而為他要復遮其
蹊徑兮與謳謠乎相蘇故聽其巨音則周流汜濫并包
吐含若慈父之畜子也其妙聲則清靜厭應順叙卑述
若孝子之事父也科條譬類誠應義理澎湃慷慨一何

壯士優柔溫潤又似君子故其武聲則若雷霆輶輳佚
豫以沸愔其仁聲則若颯風紛披容與而施惠或雜還
以聚歛兮或拔擢以奮棄悲愴怛以惻愷兮時恬淡以
綏肆被淋灑其靡靡兮時橫潰以陽遂哀惛惛之可懷
兮良醴醑而有味故貪饗者聽之而廉隅兮狼戾者聞
之而不懟剛毅強馘反仁恩兮嘽誕逸豫戒其失鍾期
牙曠悵然而愕立兮杞梁之妻不能為其氣師襄嚴春
不敢竄其巧兮浸淫叔子遠其類囂頑朱均惕復慧兮

桀跖鬻博儻以頓顙吹參差而入道德兮故永御而可
貴時奏狡弄則彷徨翱翔或留而不行或行而不留憚
惓瀾漫亡耦失疇薄索合脊罔象相求故知音者樂而
悲之不知音者怪而偉之故為悲聲則莫不愴然累歎
擊涕收淚其奏歡娛則莫不憚漫衍凱阿那服腰者已
是以蟋蟀蚍蜉蚊行喘息螻蟻蝓蜒蠅翅翊翊遷延徙
迤魚瞰雞睨垂喙蜎轉瞪瞢忘食況感陰陽之和而化
風俗之倫哉

亂曰狀若捷武超騰踰曳迅漂巧兮又似流波泡洩汎
漣趨巖道兮哮呷咤喚躋躋連絕渥殄沌兮攪搜濇捎
逍遙踴躍若壞頽兮優游流離躊躇稽詣亦足耽兮頽
唐遂往長辭遠逝漂不還兮賴蒙聖化從容中道樂不
淫兮條暢洞達中節操兮終詩卒曲尚餘音兮吟氣遺
響聯緜漂撇生微風兮連延絡驛變無窮兮

騷

九懷

王逸註

匡機

極運兮不中

周轉求君道不合也

來將屈兮困窮

還就農桑修播植也

余深

愍兮慘怛

我內憤傷心切剝也

願一列兮無從

欲陳忠謨道隔塞也

乘日月

兮上征

想託神明陞天庭也

顧遊心兮鄙鄴

鄙與鎬同鄴一作豐回盼周京念先聖也

大王都鄴武王都鄩二聖有德明於用賢故顧其都冀遭遇也

彌覽兮九隅

思觀九州求英俊也

彷徨兮蘭宮

遊戲道室誦五經也一作彷徨

芷閭兮葑房

居仁履義守忠貞也

奮

搖兮衆芳

動作應禮行馨香也

茵閣兮蕙樓

節度彌高德成就也

觀道兮從

橫

衆人瞻望聞功名也

寶金兮委積

志意堅固策謀明也

美玉兮盈堂

懿譽光明

滿朝廷也桂水兮潺湲芳流衍溢揚流兮洋洋潔白之化著

蔡兮踴躍著龜喜樂慕清高也著筮也蔡大龜也論語曰臧文仲居蔡也孔鶴兮回翔

畏怖羅網陞青雲也鶴一作鵲撫檻兮遠望登樓伏櫺觀楚郢也念君兮不忘思慕

懷王結中情也怫鬱兮莫陳忠言蘊積不列聽也永懷兮內傷長思切切中心痛也

通路

天門兮墜戶金闕玉闕君之舍也孰由兮賢者誰當涉履英俊路也無正兮

溷廁邪佞雜亂來並居也懷德兮何覩忠信之士不見用也假寐兮愍斯衣冠

而寢自憐傷也不脫冠帶而誰可與兮寤語衆人愚闇卧曰假寐詩云假寐永歎誰與謀也

痛鳳兮遠逝

仁者之士適世去也

畜鵠兮近處

鵠音晏畜養依也

鯨

鯨兮幽潛

鯨七禽切大賢隱匿竄林藪也

從鰕兮遊階

小人竝進在朝廷也鯨鯨大魚

也鰕小魚也

乘虬兮登陽

意欲駕龍而陞雲也

載象兮上行

遂騎神獸用登天也

神象白身赤頭有翼能飛也

朝發兮蔥嶺

旦發西極之高山也

夕至兮明光

暮宿

東極之丹密也

北飲兮飛泉

吮嗽天液之浮源也

南采兮芝英

咀嚼靈草以延年也

宣遊兮列宿

徧歷六合視衆星也

順極兮彷徨

周繞北辰視天庭也

紅采兮

駢衣

五采婆娑芬華英也

翠縹兮為裳

衣色瑋瑋耀青葱也

舒佩兮絢纚

絢音

中繼音離緩帶徐步五玉鳴也

竦余劒兮干將

握我寶劒立延頸也

騰蛇兮後從

神虺侍從
慕仁賢也
飛駟兮步旁
駟駟奮飛
微觀兮玄圃
上睨帝

園
覽察兮瑤光
觀視斗杓
啓匱兮探筴
筴與策同發匣
引籌考祿相也

悲命兮相當
不獲富貴
紉蕙兮永辭
結草為誓
將離兮

所思
背去九族
浮雲兮容與
天氣滃溶
道余兮何之道

作導來迎導
我難隨從也
遠望兮仟眠
遙視楚國
聞雷兮闐闐
君安好

威武
陰憂兮感余
內愁鬱伊
惆悵兮自怜
悵然失志嗟

盛也
害我性也
憐作

危俊

林不容兮鳴蜩

國不養民賢宜退也

余何留兮中州

我去諸夏將遠逝也陶

嘉月兮總駕

嘉及吉時驅乘駟也

牽玉英兮自修

采取瓊華自修飾也

結榮

蒞兮逶迤

束草陳信遂奔邁也

將去烝兮遠遊

違離於君之四裔也

徑岱土

兮魏闕

行出北荒山高桀也

厯九曲兮牽牛

過觀列宿九天際也

聊假日兮

相羊

且徐遊戲須年歲也

遺光耀兮周流

敷揚榮華垂顯烈也

望太一兮淹

息

觀天貴將上沈滯也

紆余轡兮自休

緩我馬勒留寢寐也

晞白日兮皎皎

天精光明而照察也

彌遠路兮悠悠

周望八極究地外也

顧列宇兮縹縹

宇皮

六切邪視慧星光瞥瞥也

觀幽雲兮陳浮

山氣滃鬱而羅列也

鉅寶遷兮砢礪

紛乎允切破音隱太

雉咸雉兮相求

飛鳥驚鳴也

決莽莽

今究志

周望率土也

懼吾心兮憐憐

憐音絀惟我憂思意愁毒也

步余

馬兮飛枉

徘徊神山且休息也

覽可與兮匹儔

厯觀羣英求妃合也

卒莫有

兮纖芥

衆皆邪佞無忠直也

永余思兮怵怵

怵音抽愁心長慮憂無極也

昭世

世溷兮冥昏

時君闇蔽臣貪佞也一云世溷濁也

違君兮歸真

將去懷王就仁賢也

一云臣

乘龍兮偃蹇

驂駕神獸擊紛紜也

高回翔兮上臻

行戲遊遊至

也天襲英衣兮緹縹

縹音絀重我絳袍采色鮮也

披華裳兮芳芬

徐曳文衣

動馨香也詩曰婆娑其下

登羊角兮扶輿

陟彼高山徐顧眎也

浮雲漠兮自娛

乘雲歌吟而遊戲也

握精神兮雍容

握持神明動容儀也

與神人兮相胥

留侍

松喬與伴儷也

流星墜兮成雨

陰精竝降如墜雨也

進瞵盼兮上丘墟

音瞵

鄰盼音汾天旦欲明至山溪也

覽舊邦兮滄鬱

下見楚國之危亂也

余安能兮久

居

將背舊鄉之九夷也

志懷逝兮心慟慄

慟音留心中欲去內傷悲也

紆余轡

兮躊躇

緩我馬勒而低徊也

聞素女兮微歌

神仙謳吟聲依微也

聽王后兮

吹竽

伏羲作樂百蟲至也

魂悽愴兮感哀

精神惆悵而思歸也

腸回回兮盤

紆

意中毒悶心紆屈也

撫余佩兮續紛

持我玉帶相糾結也

高太息兮自憐

長歎傷已遠放棄也使祝融兮先行俾南方神令昭明兮開門笑

前驅闢梁發也馳六蛟兮上征乘龍直驅疎余駕兮入冥遂馳

上寥廓也歷九州兮索合周遍天下誰可與兮終生莫足與

忽反顧兮西園見彼隴蜀覩軫丘兮崎傾山陵欽岑

橫垂涕兮泣流悲思念國悲余后兮失靈哀惜我后

尊嘉

季春兮陽陽三月温和列草兮成行百卉垂條余悲兮

蘭生哀彼香草委積兮從橫橫音黃枝條摧江離兮遺

捐

忠正之士棄山林也

辛夷兮擠藏

擠子里切仁智之士抑沈沒也

伊思兮往古

惟念前世諸賢俊也

亦多兮遭殃

仁義遇禍及身也

伍胥兮浮江

吳王棄之於江

也 屈子兮沈湘

懷沙負石赴汨淵也

運余兮念茲

轉思念此志煩冤也

心內

兮懷傷

腸中側痛摧肝肺也

望淮兮沛沛

臨水恐慄畏禍患也一云淵沛沛

濱流

兮則逝

意欲隨水而隱遁也

榜舫兮下流

乘舟順水遊海濱也

東注兮磕磕

濤波踴躍多險難也

蛟龍兮導引

虬螭水禽馳在前也一云蛟龍沃兮

文魚兮上瀨

巨鱗扶已渡涌湍也

抽蒲兮陳坐

拔草為席處薄單也

援芙蓉兮為蓋

引取荷華

以覆身也一云援英兮為蓋一云拔英

水躍兮余旌

風波動我搖旗旒也

繼以兮微

蔡

續以草芥
入已船也

雲旗兮電騫

遂乘風電
驅橫奔也

儵忽兮容裔

往來
亟疾

若鬼
神也

河伯兮開門

水君瑋望
開府寺也

迎余兮歡欣

喜笑迎已
愛我善也

顧

念兮舊都

還視楚國
思郢城也

懷恨兮艱難

抱念恚恨
常欲還也

竊哀兮浮

萍

自比如蘋
生水瀕也

汎淫兮無根

隨水浮游
乍東西也

蓄英

秋風兮蕭蕭

陰氣用事
天政急也

舒芳兮振條

動搖百草
使芳熟也

微霜兮

眇眇

霜凝微薄
寒深酷也

病歿兮鳴蜩

飛蟬卷曲
而寂默也

玄鳥兮辭歸

燕將

入海化
為蛤也

飛翔兮靈丘

悲鳴神山
奮羽翼也

望谿兮滃鬱

川谷吐氣
雲間昧也

熊羆兮咆哮

猛獸應秋將害賊也

唐虞兮不存

堯舜已過難追逐也

何故兮

久留

宜更求君之他國也

臨淵兮汪洋

瞻望大川廣無極也

顧林兮忽荒

視

喬木與山薄也

修余兮衽衣

整我衿裳自結束也

騎霓兮南上

託乘赤霄登張翼也

乘雲兮回回

載氣溶溶意中惡也

疊疊兮自強

稍稍陞進遂自力也

將息兮

蘭皋

且欲中休止方澤也

失志兮悠悠

從高視下目眩惑也

紛蘊兮薺蘊

薺音

紛蘊音云薺音梅蘊音黎愁思蓄積面垢黑也

思君兮無聊

聊音留想念懷王忘寢食也

身

去兮意存

體遠情近在曾臆也

愴恨兮懷愁

心中憂恨內悽惻也

思忠

登九靈兮遊神

神想登九天放精神也神一作精

靜女歌兮微晨

神女夜吟聲激

清也

悲皇丘兮積葛衆體錯兮交紛

言已見美大之丘葛草綠之而生交錯茂

盛人不異而采取則不成締結也以言楚國士民衆多君不異而舉用則不知其有德也

貞枝抑兮

枯槁

貞正

枉車登兮慶雲

慶雲喻尊顯也言葛有正直之枝抑棄枯槁而不見采枉壤惡

者滿車陞進反見珍重御尊顯也以言貞正之人棄於山野佞曲之臣陞於顯朝也

感余志兮慘

慄

動踊我心如析割也

心愴愴兮自憐

意中切傷憂悲楚也一云心悲兮

駕玄螭

兮北征

將乘山神而奔走也

擢吾路兮蔥嶺

擢音向欲踰高山度阻險也

連五

宿兮建旄

係續列星為旗旄也

揚氛氣兮為旌

舉布靈霧作旗表也

歷廣漠

兮馳騫

徑過長沙馳騫馬也

覽中國兮冥冥

顧視諸夏尚昧晦也

玄武步兮

水母

天龜水神侍送余也

與吾期兮南榮

與己為誓會炎野也南方冬溫草木常茂故曰

南榮

登華蓋兮乘陽

上攀北斗躡房星也乘一作乘

聊逍遙兮播光

且徐遊戲

布文

抽庫婁兮酌醴

引持二星以斟酒也

援爬瓜兮接糧

爬音袍啖食神

果志厭

畢休息兮遠逝

周偏留止而復去也

發玉軻兮西行

引支車木

遂馳

惟時俗兮疾正弗可久兮此方

世憎忠信愛諂諛也

寤辟標

兮永思

心常長愁擗心踊也辟擗心貌也

心怫鬱兮內傷

憂思積結肝腑爛也

陶壘

覽杳杳兮世惟

觀楚泥濁俗愚蔽也

余惆悵兮何歸

惘然失志無依附也

傷

時俗兮溷亂

哀愍當世衆貪暴也

將奮翼兮高飛

振翅翱翔絕塵埃也

駕八

龍兮連蜷

乘虬翺翔見容貌也

建虹旌兮威夷

樹蜺蜺旗紛光耀也

觀中宇

兮浩浩

大哉天下難偏照也

紛翼翼兮上躋

盛氣振迅陞天衢也

浮溺水兮

舒光

遂渡沈流揚精華也

淹低回兮京沚

沚讀平聲且留水側息河洲也水中可居為洲

小洲為渚小渚為京沚者即高洲也

屯余車兮索友

住我之駕求松喬也

覩皇公

兮問師

遂見天帝詔祕要也

道莫遺兮歸真

執守無為修朴素也

羨余術兮

可夷

念已道藝可悅樂也詩云既見君子我心則夷夷喜也

吾乃逝兮南娛

往之太陽

遊九道幽路兮九疑疑通作巖陟歷越炎火兮萬里積熱

野也彌天不過萬首兮凝凝見海中山數萬頭也海中山名

可處也可處也過萬首兮凝凝見海中山數萬頭也海中山名

旌濟江海兮蟬蛻遂渡大水絕北梁兮永辭超過海津

浮雲鬱兮晝昏楚國潰亂靈土忽兮塵塵風俗塵濁不

康息陽城兮廣夏遂止炎野衰色罔兮中怠叶徒來切

身罷勞也意曉陽兮燎寤心中燎明乃息軫兮存茲徐自省

處思堯舜兮襲興喜慕二聖幸咎繇兮獲謀叶謨悲切

也與議悲九州兮靡君傷今天下撫軾歎兮作詩伏車浩

道也無聖主也

也雅

株昭

悲哉于嗟兮

愁思憤滿長歎息也

心內切嗟

意中激感腸病痛也

歎冬而生

兮

物叩盛陰不滋育也

凋彼葉柯

傷害根莖枝卷曲也

瓦礫進寶兮

佞僞愚慙侍帷

也

捐棄隋和

貞良君子棄山澤也

鈐刀厲御兮

頑嚚之徒任政職也

頓棄太

阿

明智忠賢放斥逐也

驥垂兩耳兮

雄俊佯愚閉口目也

中坂蹉跎

衆無知已不盡

也

寒驢服駕兮

爲鈍之徒爲輔翼也

無用日多

僅蒙竝進填滿國也

修潔處

幽兮

執履清白居陋側也

貴寵沙廁

權右大夫佯不識也廁叶音磨

鳳皇不翔兮

賢智隱處
深藏匿也

鷦鷯飛揚

小人得志
作威福也

乘虹驂蜺

託駕神器
而遠征也

載雲變化

陸高去俗
易形貌也

鷦鷯開路

仁士智鳥
導在前也

後屬青蛇

介蟲之長
衛惡姦也

步驟桂林

馳逐正道
德香芬也

超驤卷阿

騰越曲阜
過阨難也

丘陵翔儼

山立踴躍
而歡喜也

谿谷悲歌

川瀆作樂
進五音也

神章靈篇

兮

河圖洛書
緯識文也

赴曲相和

宮商竝會
應琴瑟也

余私娛茲

我誠樂
此發中

心也

孰哉復加

天下歡悅
莫如今也

還顧世俗

回視楚國
及衆民也

壞敗罔

羅

廢棄仁義
修諂諛也

卷佩將逝

祛衣束帶
將橫奔也

涕流滂沱

思君念
國泣露

也衿

亂曰皇門開兮

王門啟闢路四通也一云皇開門兮

照下土

鏡覽幽冥見萬方也

株

穢除兮

邪惡已消遠逃亡也

蘭芷覩

俊又英雄在朝堂也

四佞放兮

騷共苗鰥竄四

荒

後得禹

乃獲文命治江河也

聖舜攝兮

重華東政執紀綱也

昭堯緒

著明唐業

致時雍也

孰能若兮

誰能知人如唐虞也

願為輔

思竭忠信備股肱也

論

四子講德論

微斯文學問於虛儀夫子曰蓋聞國有道貧且賤焉恥也今夫子閉門距躍專精趨學有日矣幸遭聖主平世

而久懷寶是伯牙去鍾期而舜禹遁帝堯也於是欲顯
名號建功業不亦難乎夫子曰然有是言也夫蚊蟲終
日經營不能越階序附驥尾則涉千里攀鴻翮則翔四
海僕雖頑嚚願從足下雖然何由而自達哉文學曰陳
懿誠於本朝之上行話談於公卿之門夫子曰無介紹
之道安從行乎公卿文學曰何為其然也昔甯戚商歌
以干齊桓越石負芻而寤晏嬰非有積素素舊之歡皆
塗觀卒遇而以為親者也故毛嫱西施善毀者不能蔽

其好嫖娼倭僂善譽者不能掩其醜苟有至道何必介
紹夫子曰咨夫特達而相知者千載之一遇也招賢而
處友者衆士之常路也是以空柯無辦公輸不能以斲
但懸曼矰蒲苴不能以射故膺騰撇波而濟水不如乘
舟之逸也衝蒙涉田而能致遠未若遵塗之疾也才蔽
於無人行衰於寡黨此古今之患唯文學慮之文學曰
唯唯敬聞命矣於是相與結侶攜手俱游求賢索友厯
於西州有二人焉乘輅而歌倚輓而聽之詠歎中雅轉

運中律譚緩舒繹曲折不失節問歌者為誰則所謂浮
游先生陳丘子者也於是以至士相見之禮友焉禮文既
集文學夫子降席而稱曰俚人不識寡見尠聞曩從末
路望聽玉音竊動心焉敢問所歌何詩請聞其說浮游
先生陳丘子曰所謂中和樂職宣布之詩益州刺史之
所作也刺史見太上聖明股肱竭力德澤洪茂黎庶和
睦天人竝應屢降瑞福故作三篇之詩以歌詠之也文
學曰君子動作有應從容得度南容三復白圭孔子睹

其慎戒太子擊誦晨風文侯諭其指意今吾子何樂此
詩而詠之也先生曰夫樂者感人密深而風移俗易吾
所以詠歌之者美其君術明而臣道得也君者中心臣
者外體外體作然後知心之好惡臣下動然後知君之
節趨好惡不形則是非不分節趨不立則功名不宣故
美玉蘊於砥砭凡人視之怏焉良工砥之然後知其和
寶也精鍊藏於鑛璞庸人視之忽焉巧冶鑄之然後知
其幹也況乎聖德巍巍蕩蕩黎氓所不能命哉是以刺

史推而詠之揚君美德深乎洋洋罔不覆載紛紜天地
寂寥宇宙明君之惠顯忠臣之節究皇唐之世何以加
茲是以每歌之不知老之將至也文學曰書云迪一人
使四方若卜筮夫忠賢之臣導主志承君惠攄盛德而
化洪天下安瀾比屋可封何必歌詠詩賦可以揚君哉
愚竊惑焉浮游先生色勃皆溢曰是何言與昔周公詠
文王之德而作清廟建為頌首吉甫歎宣王穆如清風
列于大雅夫世衰道微偽臣虛稱者殆也世平道明臣

予不宣者鄙也鄙殆之索傷乎王道故自刺史之來也
宣布詔書勞來不怠令百姓徧曉聖德莫不需濡厯睂
耆耆之老咸愛惜朝夕願濟須臾觀大化之淳流於是
皇澤豐沛主恩滿溢百姓歡欣中和感發是以作歌而
詠之也傳曰詩人感而後思思而後積積而後滿滿而
後作言之不足故嗟歎之嗟歎之不足故詠歌之詠歌
之不厭不知手之舞之足之蹈之也此臣子於君父之
常義古今一也今子執分寸而罔億度處把握而却寥

廓乃欲圖大人之樞機道方伯之失得不亦遠乎陳丘
子見先生言切恐二客慙膝步而前曰先生詳之行潦
暴集江海不以為多鰯鰕竝逃九罟不以為虛是以許
由匿堯而深隱唐氏不以衰夷齊恥周而遠餓文武不
以卑夫青蠅不能穢垂棘邪論不能惑孔墨今刺史質
敏以流惠舒化以揚名采詩以顯至德歌詠以董其文
受命如絲明之如緡甘棠之風可倚而俟也二客雖室
計沮議何傷顧謂文學夫子曰先生微矜於談道又不

讓乎當仁亦未巨過也願二子措意焉夫子曰否夫雷
霆必發而潛底震動枹鼓鏗鏘而介士奮竦故物不震
不發士不激不勇今文學之言欲以議愚感敵舒先生
之憤願二生亦勿疑也於是文繹復集乃始講德文學
夫子曰昔成康之世君之德歟臣之力也先生曰非有
聖智之君惡有甘棠之臣故虎嘯而風寥戾龍起而致
雲氣蟋蟀俟秋吟蜉蝣出以陰易曰飛龍在天利見大
人鳴聲相應仇偶相從人由意合物以類同是以聖主

不偏窺望而視以明不殫傾耳而聽以聰何則淑人君子人就者衆也故千金之裘非一狐之腋大厦之材非一丘之木太平之功非一人之畧蓋君為元首臣為股肱明其一體相待而成有君而無臣春秋刺焉三代以上皆有師傳五伯以下各自取友齊桓有管鮑隰寧九合諸侯一匡天下晉文有舅犯趙衰取威定霸以尊天子秦穆有王由五穀攘却西戎始開帝緒楚莊有孫叔子反鯀定江淮威震諸夏勾踐有種蠡泄庸尅滅彊吳

雪會稽之恥魏文有段干田翟秦人寢兵折衝萬里燕
昭有郭隗樂毅夷破彊齊困閔於莒夫以諸侯之細功
名猶尚若此而況帝王選於四海羽翼百姓哉故有賢
聖之君必有明智之臣欲以積德則天下不足平也欲
以立威則百蠻不足攘也今聖主冠道德履純仁被六
藝佩禮文屢下明詔舉賢良求術士招異倫拔駿茂是
以海內歡慕莫不風馳雨集襲雜竝至填庭溢闕含淳
詠德之聲盈耳登降揖讓之禮極目進者樂其條暢急

者欲罷不能偃息匍匐乎詩書之門游觀乎道德之域咸潔
身修德吐情素而披心腹各悉精銳以貢忠誠允願推
主上弘風俗而騁太平濟濟乎多士文王所以寧也若
乃美政所施洪恩所潤不可究陳舉孝以篤行崇能以
招賢去煩蠲苛以綏百姓祿勤增俸以厲貞廉減膳食
卑宮觀省田官損諸苑疎繇役振乏困恤民災害不遑
游宴閔耄老之逢辜憐縗絰之服事惻隱身死之腐人
悽愴子弟之縲匿恩及飛鳥惠加走獸胎卵得以成育

草木遂其零茂愜悌君子民之父母豈不然哉先生獨
不聞秦之時耶違三王背五帝滅詩書壞禮義信任羣
小憎惡仁智詐僞者進達佞諂者容入宰相刻峭大理
峻法處位而任政者皆短於仁義長於酷虐狼摯虎攫
懷殘秉賊其所臨莅莫不肌慄骨伏吹毛求疵竝施螫
毒百姓征徭無所措其手足嗷嗷愁怨遂亡秦族是以
養雞者不畜狸牧獸者不育豺樹木者憂其蠹保民者
除其賊故大漢之為政也崇簡易尚寬柔進淳仁舉賢

才上下無怨民用和睦今海內樂業朝廷淑清天符既
章人瑞又明品物咸亨山川降靈神光耀暉洪洞朗天
鳳皇來儀翼翼邕邕羣鳥竝從舞德垂容神雀仍集麒
麟自至甘露滋液嘉禾櫛比大化隆洽男女條暢家給
年豐咸則三壤豈不盛哉昔文王應九尾狐而東夷歸周
武王獲白魚而諸侯同辭周公受秬鬯而鬼方臣宣王
得白狼而夷狄賓夫名自正而事自定也今南郡獲白
虎亦偃武興文之應也獲之者張武武張而猛服也是

以北狄賓洽邊不恤寇甲士寢而旌旗仆也文學夫子
曰天符既聞命矣敢問人瑞先生曰夫匈奴者百蠻之
最彊者也天性驕蹇習俗桀暴賤老貴壯氣力相高業
在攻伐事在獵射兒能騎羊走箭飛鏃逐水隨畜都無
常處鳥集獸散往來馳驚周流曠野以濟嗜欲其耒耜
則弓矢鞍馬播種則扞弦掌拊收秋則奔狐馳兔獲刈
則顛倒殪仆追之則奔遁釋之則為寇是以三王不能
懷五伯不能綏驚邊机士屢犯芻蕘詩人所歌自古患

之今聖德隆盛威靈外覆日逐舉國而歸德單于稱臣
而朝賀乾坤之所開陰陽之所接編結沮顏焦齒臬矐
剪髮黥首文身裸袒之國靡不奔走貢獻懽忻來附婆
娑嘔吟鼓腋而笑夫鴻均之世何物不樂飛鳥翕翼淵
魚奮躍是以刺史感薄舒音而詠至德鄙人黠淺不能
究識敬遵所聞未克殫焉於是二客醉于仁義飽于盛
德終日仰歎怡懌而悅服

頌

聖主得賢臣頌

夫荷旃被毳者難與道純縣之麗密羹藜啜糗者不足
與論太牢之滋味今臣僻在西蜀生於窮巷之中長於
蓬茨之下無有遊觀廣覽之知顧有至愚極陋之累不
足以塞厚望應明旨雖然敢不畧陳愚心而抒情素記曰
恭惟春秋法五始之要在乎審己正統而已夫賢者國
家之器用也所任賢則趨舍省而功施普器用利則用
力少而就效衆故工人之用鈍器也勞筋苦骨終日斲

矻及至巧冶鑄千將之樸清水淬其鋒越砥歛其鏹水
斷蛟龍陸剽犀革忽若簪汜畫塗如此則使離婁督繩
公輸削墨雖崇臺五層延袤百丈而不溷者工用相得
也庸人之御駕馬亦傷吻敝策而不進於行冒喘膚汗
人極馬倦及至駕齧膝驂乘旦王良執靶韓哀附輿縱
馳騁驚忽如景靡過都越國蹶如厯塊追奔電逐遺風
周流八極萬里一息何其遼哉人馬相得也故服絺綌
之涼者不苦盛暑之鬱燠襲狐貉之煖者不憂至寒之

悽愴何則有其具者易其備賢人君子亦聖王之所以
易海內也是以嘔喻受之開寬裕之路以延天下之英俊
也夫竭知附賢者必建仁策索人求士者必樹伯迹昔
周公躬吐握之勞故有圖空之隆齊桓設庭燎之禮故
有匡合之功由此觀之君人者勤於求賢而逸於得人
人臣亦然昔賢者之未遭遇也圖事揆策則君不用其
謀陳見悃誠則上不然其信進仕不得施效斥逐又非
其愆是故伊尹勤於鼎俎太公困於鼓刀百里自鬻甯

戚飯牛離此患也及其遇明君遭聖主也運籌合上意
諫諍則見聽進退得闕其忠任職得行其術去卑辱與
潔而升本朝離疏釋蹻而享膏粱剖符錫壤而光祖考
傳之子孫以資說士故世必有聖知之君而後有賢明
之臣虎嘯而谷風冽龍興而致雲氣蟋蟀蟄秋陰蜉蝣出
以陰易曰飛龍在天利見大人詩曰思皇多士生此王
國故世平主聖俊乂將自至若堯舜禹湯文武之君獲
稷契臯陶伊尹呂望之臣明明在朝穆穆布列聚精會

神相得益章雖伯牙操篴鍾逢門子彎烏號猶未足以喻其意也故聖主必待賢臣而弘功業俊士亦俟明主以顯其德上下俱欲歡然交欣千載一會論說無疑翼乎如鴻毛遇順風沛乎如巨魚縱大壑其得意若此則胡禁不止曷令不行化溢四表橫被無窮遐夷貢獻萬祥畢臻是以聖主不偏窺望而視已明不殫傾耳而聽已聰恩從祥風翺德與和氣游太平之責塞優游之望得遵游自然之勢恬淡無為之場休徵自至壽考無疆

雍容垂拱永永萬年何必偃仰詘信若彭祖呶噓呼吸
如喬松眇然絕俗離世哉詩云濟濟多士文王以寧蓋
信乎其以寧也

甘泉宮頌

甘泉山天下顯敞之名處也前接大荆後臨北極左撫
仁鄉右望素域其宮室也仍截嶺而為觀攘抗岸以為
階壅波瀾而鱗砥馳道列以逶迤覽除閭之麗靡覺堂
殿之巍巍徑落莫以差錯編玳瑁之文槐鏤螭龍以造

牖采雲氣以為楣神星羅於題鄂虹蜺往往而繞轅縵
倏忽其無垠意能了之者誰竊想聖主之優游時娛神
而歎縱坐鳳皇之堂聽和鸞之弄臨麒麟之域驗符瑞
之貢詠中和之歌讀太平之頌

移文

移金馬碧雞文

華陽國志曰蜻蛉縣山有碧雞金馬光影倏忽
民多見之有山神漢宣帝遣王褒祭之欲致金
馬

持節使者敬移南崖金精神馬剽剽碧雞處南之荒深
溪回谷非土之鄉歸來歸來漢德無疆廣乎唐虞澤配
三皇黃龍見兮白虎仁歸來歸來可以為倫歸兮翔兮
何事南荒也

約

僮約

蜀郡王子淵以事到煎上寡婦楊惠舍有一奴名便了
倩行酤酒便了提大杖上冢巔曰大夫買便了時只約

守冢不約為他家男子酤酒子淵大怒曰奴寧欲賣邪
惠曰奴父許人人無欲者子即決賣券之奴復曰欲使
皆上不上券便了不能為也子淵曰諾券文曰神爵三
年正月十五日資中男子王子淵從成都安志里女子
楊惠買夫時戶下髯奴便了決賣萬五千奴從百役使
不得有二言晨起灑掃食了洗滌居當穿白縛帚裁孟
鑿井浚渠縛落鉏園研陌杜埤地刻大枷屈竹作杷削
治鹿盧出入不得騎馬載車踞坐大呶下床振頭垂釣

刈芻結葦臘纊沃不酪住醢醢織履作麓黏雀張烏結
網捕魚繳鴈彈鳬登山射鹿入水捕龜後園縱養鴈鷺
百餘驅逐鷗鳥持稍牧猪種薑養芋長育豚駒糞除常
潔餽食馬牛鼓四起坐夜半益芻二月春分被隄杜疆
落桑皮梭種瓜作瓠別茹披葱焚槎發疇壟集破封日
中早焚鷄鳴起春調治馬驢蕪落三重舍中有客提壺
行酤汲水作餠滌杯整案園中拔蒜斲蘇切脯築肉臠
羊膾魚鮓鱉烹茶盡具舖已蓋藏闔門塞竇餽猪縱犬

勿與隣里爭鬪奴當飯豆飲水不得嗜酒欲飲美酒唯
得染脣漬口不得傾盂覆斗不得辰出夜入交關伴侶
舍後有樹當栽作船上至江州下到煎主為府掾求用
錢推紡惡敗搜索縣亭買席往來都洛當為婦女求脂
澤販於小市歸都擔泉轉出旁蹉牽牛販鵝武陽買茶
楊氏池中擔荷往來市聚慎護姦偷入市不得夷蹲旁
卧惡言醜詈多作刀弓持入益州貨易牛羊奴自交精
慧不得癡愚持斧入山斲槧裁轅若殘當作俎机木屐

及蠶盤焚薪作炭暑石薄岸治舍蓋屋書削代讀日暮
以歸當送乾薪兩三束四月當披五月當穫十月收豆
多取蒲苧益作繩索雨墮無所為當編蔣織箔植種桃
李梨柿柘桑三丈一樹八亦為行果類相從縱橫相當
果熟收歛不得吮嘗犬吠當起驚告隣里振門柱戶上
樓擊鼓倚盾曳矛還落三周勤心疾作不得遨遊奴老
力索種莞織蓆事訖欲休當春一石夜半無事浣衣當
白若有私歛主給賓客奴不得有姦私事事當關白奴

不聽教當答一百讀券文徧訖詞窮咋索伋伋扣頭兩
手自縛目淚下落鼻涕長一尺當如王大夫言不如早
歸黃土陌蚯蚓鑽額早知當爾王大夫酤酒真不敢作
惡

太平御覽載僅約尚有榆菱害芋南安拾栗
採摘持車載轆等語然則茲篇尚屬節文

文


責髯奴文

古文苑作黃香今
從藝文作王褒

我觀人鬚長而復黑冉弱而調離離若綠坡之竹鬱鬱
若春田之苗因風披拂隨風飄飆爾乃附以豐頤表以

蛾眉發以素顏呈以妍姿約之以絀綫潤之以芳脂芊芊翼翼靡靡綏綏振之發曜黝若玄珪之垂於是搖鬚奮髭則論說虞唐鼓髻動鬣則妍覈臧否內育環形外闡宮商相如以之閒都顓孫以之堂堂豈若子髯既亂且赭枯槁禿瘁劬勞辛苦汗垢流離污穢泥土傖囁穰穰與塵為伍無素顏可依無豐頤可怙動則困於忽滅靜則窘於囚虜薄命為髭正著子頤為身不能庇其四體為智不能飾其形骸癩鬚瘦面常如死灰曾不如犬

羊之毛尾狐狸之毫釐為子鬚者不亦難乎



漢魏六朝百三家集卷六